

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 K 018198 24 K 2

Novi Travnik, 25.04.2025. godine

U IME FEDERACIJE BOSNE I HERCEGOVINE!

Kantonalni sud u Novom Travniku, u vijeću sastavljenom od sudaca Vesna Vujica predsjednica vijeća, Edvin Kokić i Darmin Avdić, članovi vijeća, uz sudjelovanje Sadine Terzić kao zapisničara, u kaznenom predmetu protiv optuženog A. J., zbog kaznenog djela Teška kaznena djela protiv sigurnosti javnog prometa iz članka 336. stavak 2. u vezi sa člankom 333. stavak 1. Kaznenog zakona Federacije Bosne i Hercegovine, postupajući po optužnici kantonalnog tužitelja Kantonalnog tužiteljstva Travnik broj: T06 0 KT 0032388 23 od 31.05.2023. godine izmijenjenoj na glavnom pretresu održanom dana 03.04.2025. godine, nakon održanog glavnog i javnog pretresa dana 17.04.2025. godine u nazočnosti kantonalnog tužitelja Azera Ulemić, optuženog A. J. i njegovog branitelja Mesuda Duvnjak, advokata iz Bugojna, dana 25.04.2025. godine nakon obavljenog vijećanja i glasanja, donio je i bez nazočnosti stranaka i branitelja, javno objavio sljedeću:

PRESUDU

I

Optuženi:

A. J. zvan A., sin S. i majke M. djevojački B., rođen godine, u B., JMBG: ..., nastanjen u mjestu K. b.b., općina B., po zanimanju elektrotehničar, zaposlen u vulkanizerskoj radnji „S.“ B., neoženjen, po nacionalnosti Bošnjak, državljanin BiH, vojsku nije služio, neosuđivan,

K R I V J E

Što je

Dana 27.11.2022. godine oko 18,00 sati, nakon što se u B. doveo u alkoholizirano stanje sa koncentracijom alkohola u krvi od 4,04 promila, protivno članku 174. stavak 1., članku 28. stavak 1. i članku 39. stavak 2. Zakona o osnovama sigurnosti prometa na putevima u Bosni i Hercegovini, vozilom marke „VW Passat“ reg. oznaka ...“, vlasništvo S. J., se uključio u javni promet u pravcu naselja K., gdje je nastanjen, iako mu je bilo poznato da ne smije upravljati vozilom u saobraćaju pod uticajem alkohola, svjestan da time može izazvati opasnost za učesnike u prometu i pristajući na to, tako što krećući se lokalnim putem u mjestu D. K., općina B. nije držao vozilo na dovoljnoj udaljenosti od desne ivice kolovoza i nije uočio kretanje pješaka uz kolovoz, već je pri točno ne utvrđenoj brzini prednjim desnim retrovizorom i gornjim djelom prednjih desnih vrata ispod vjetrobranskog stakla, u blizini kuće vlasništvo S. T. ostvario kontakt sa pješakom oštećenim S. K., koji se kretao uz desnu ivicu kolovoza od kojeg udara i odbačaja je oštećeni zadobio teške i po život opasne povrede u vidu povređivanja lobanjskog dijela glave,

te njenom unutar lobanjskog sadržaja i to nagnječinu kože i tkiva mekog oglavka na konveksitetu lobanje u nivou tkz. bregme sa sljedstveno nastalim oštećenjem precentralnog girusa (vilge), desnog čeonog režnja i velikog mozga, kompresivnim izlivom krvi ispod tvrde moždane ovojnice obostrano čelno, nagnječenja kore bazalnog dijela desnog čeonog režnja velikog mozga, izljeva krvi u moždani komorni sistem i vjerovatno nagnječenja desne polutine malog mozga od kojih povreda je dana 24.12.2022 godine preminuo,

Čime je počinio kazneno djelo Teška kaznena djela protiv sigurnosti javnog prometa iz članka 336. stavak 2. u vezi sa člankom 332. stavak 1. Kaznenog zakona Federacije Bosne i Hercegovine,

Pa ga sud na temelju istog zakonskog propisa i primjenom odredbi članka 42., 43. i 49. stavak 1. Kaznenog zakona Federacije BiH kao i uz primjenu odredbe članka 300. Zakona o kaznenom postupku Federacije BiH

O S U D U J E

NA KAZNU ZATVORA U TRAJANJU OD 5 (PET) GODINA

Na temelju članka 77. stavak 1., 2. i 3. Kaznenog zakona Federacije Bosne i Hercegovine optuženom A. J. se izriče sigurnosna mjera zabrane upravljanja prijevoznim sredstvom „B“ kategorije u trajanju od 2 (dvije) godina počev od dana pravomoćnosti presude, u koje vrijeme se neće uračunati vrijeme izvršenja izrečene kazne zatvora.

Na temelju članka 202. stavak 1. Zakona o kaznenom postupku Federacije BiH optuženi A. J. se obvezuje da naknadi troškove kaznenog postupka na ime medicinskog vještačenja, prometnog vještačenja i vještačenja po vještaku zaštite na radu i protupožarne zaštite u ukupnom iznosu od 2.538,20 KM, na ime troškova za svjedoke u iznosu od 118,20 KM, te na ime paušala iznos od 100,00 KM sve u roku od 30 (trideset) dana od dana pravomoćnosti presude.

Na temelju odredbe članka 212. stavak 3. Zakona o kaznenom postupku Federacije Bosne i Hercegovine oštećeni M. K. se radi ostvarivanja imovinsko-pravnog zahtjeva u cijelosti upućuje na parnični postupak.

U skladu sa odredbom članka 301. stavak 2. Zakona o kaznenom postupku Federacije BiH predsjednica vijeća je ukratko izložila razloge presude.

Zapisničar
Sadina Terzić

Predsjednica vijeća
Vesna Vujica